

## 8.bekkur Glerárskóla

### Ágætu foreldrar/forráðamenn.

Í þessum námsvísi birtast helstu áherslur þeirra í kennslu einstakra námsgreina. Þeim sem vilja leita sér nánari upplýsinga er bent á **Aðalnámskrá grunnskóla vefang: [www.mrn.stjr.is](http://www.mrn.stjr.is)**. Aðalnámskrá útfærir nánar ákvæði laga um kjarnagreinir og aðrar skyldunámsgreinar og segir til um áherslur og vægi. Hún er grundvöllur skólanámskrágerðar og jafnframt viðmiðun við mat á skólum og skólastarfi. Viðmiðunarstundaskrá, sem sýnir hlutfallslegt vægi milli námsgreina og námssviða, er hluti af aðalnámskrá.

Á unglingsstigi í Glerárskóla er kennslan faggreinamiðuð. Skólasýn Glerárskóla, **hugur, hönd og heilbrigði** fléttast eftir föngum inn í kennsluna. Markvisst kemur þessi sýn fram í sameiginlegum viðburðum stigsins. Að hausti er farið í fjallgöngu, fótboltamót nemenda er haldið í Boganum, á þemadögum er skólasýnin höfð að leiðarljósi, farið er í skíðaferð ef unnt er, á árshátíð skólans bera nemendur á unglingsstigi hita og þunga af undirbúningi og á vordögum eru útivistardagar þar sem nemendur koma að skipulagi.

Agastefna skólans er **Jákvæður agi** og fylgt er **Olweusaráætlun gegn einelti**. Haldnir eru bekkjarfundir en markmið með þeim er að móta og viðhalda bekkjaranda svo nám geti átt sér stað. Lagðar eru fyrir tengslakannanir í öllum bekkjum á unglingsstigi að vori og hausti.

**Námsmat:** Hæfniviðmið eru grundvöllur fyrir námsmati. Inn í hæfnikortum sem finna má á Mentor eru hæfniviðmið sem unnið er út frá. Hæfnikortin veita upplýsingar um stöðu nemenda og eru aðgengileg inni á svæði hvers nemanda á Mentor. Hæfnikort inniheldur þau viðmið sem á að meta fyrir hverja námsgrein fyrir sig á einum stað þannig að hæfnikort nemenda eru hæfniviðmið skólans.

Kennarinn skipuleggur kennslu út frá hæfniviðmiðum og metur hvar hver nemandi er staddur.

Viðmiðunarstundaskrá, sem sýnir hlutfallslegt vægi milli námsgreina og námssviða, er hluti af aðalnámskrá. Heildarfjöldi kennslustunda í 8.bekk er 37. Þar af eru valgreinar 6 stundir.

Tölurnar í svigunum segja til um fjölda kennslustunda á viku í viðkomandi námsgrein.

**Umsjónarkennarar í 8. bekk eru:** Fríða Pétursdóttir og Ragnar Logi Búason.

### Íslenska (5)

Áfram er reynt að efla tök nemenda á íslenskunni á sem fjölbreyttastan hátt. Samkvæmt Aðalnámskrá grunnskóla er íslenska ein heildstæð námsgrein sem á að fela í sér lestur og bókmenntaumuræðu, talað mál og framsögn, hlustun og áhorf, ritun og stafsetningu auk málfræði.

Mikilvægt er að nemendur átti sig á því að góð þekking á móðurmálinu, eðli þess, sögu og sérkennum er nauðsynlegur þáttur í almennri grunnmenntun. Hér að neðan eru talin helstu áhersluatriði íslenskukennslunnar. Kennari setur upplýsingar um verkefnavinnu inn á Mentor. Mikilvægt er að hafa gott skipulag á námsgögnum og halda vel utan um verkefni sem unnin eru. Ritunarverkefni eru unnin inni á Google Classroom.

### Lestur og bókmenntir:

- Nemendur þjálfist í að lesa margvíslega texta sér til skilnings, gagns og gamans og geri sér grein fyrir mikilvægi þess að viðhalda og þjálfra lestrarfærni.
- Nemendur geti lagt mat á texta og greint aðalatriði frá aukaatriðum.

- Nemendur lesi texta frá ólíkum tímum og átti sig á tengslum þeirra við sögu og menningu þjóðarinnar. Nemendur fái innsýn í fjölbreytileika íslenskra bókmennta, fornra og nýrra. Í 8. bekk er áhersla á þjóðsögur, fornsögur, unglingsbókmenntir og ljóð.
- Nemendur geti beitt helstu hugtökum sem notuð eru í umræðu um bókmenntir.

Helsta námsefni: Hrafnkels saga, þjóðsögur, Það á plánetunni Jörð, Kveikjur og bækur að eigin vali.

Heimavinna: Lestur er mjög mikilvæg heimavinna og lögð er áhersla á heimallestur.

Námsmat: Unnið er út frá hæfniviðmiðum Aðalnámskrár fyrir íslensku. Námið fer fram í lotum og eru þau viðmið sem unnið er með í hverri lotu metin jafn óðum og matið birt á Mentor. Námsmat tekur mið af viðfangsefnum hverju sinni, má t.d. nefna kannanir, ritunarverkefni, hópverkefni, sjálfsmat og framsögn og tjáning. Í lok annar er annarpróf þar sem reynir á færni nemenda í þeim þáttum sem unnið hefur verið að á önninni.

#### **Málfræði:**

- Nemendur þekki beygingarleg og merkingarleg einkenni fallorða og geri sér grein fyrir hlutverki þeirra í texta.
- Nemendur geri sér grein fyrir orðmyndun og orðeiningum.
- Nemendur kunnir skil á orðtökum og málsháttum og séu meðvitaðir um fjölbreytileika tungumálsins.

Helsta námsefni: Málið í mark; Fallorð, Finnbjörg og Kveikjur.

Heimavinna: Ef nemendur ljúka ekki því lágmarksefni sem þeim er ætlað að vinna í kennslustundum bera þeir ábyrgð á því að vinna það upp sjálfir.

Námsmat: Unnið er út frá hæfniviðmiðum Aðalnámskrár fyrir íslensku. Námið fer fram í lotum og eru þau viðmið sem unnið er með í hverri lotu metin jafn óðum og matið birt á Mentor. Námsmat tekur mið af viðfangsefnum hverju sinni, má t.d. nefna kannanir, ritunarverkefni, hópverkefni, sjálfsmat og framsögn og tjáning. Í lok annar er annarpróf þar sem reynir á færni nemenda í þeim þáttum sem unnið hefur verið að á önninni.

#### **Ritun og stafsetning:**

- Lögð er áhersla á réttritun og greinarmerkjasetningu.
- Nemendur þekki málsgreinar og efnisgreinar.
- Nemendur geti gert útdrátt úr texta.
- Nemendur skrifi mismunandi textategundir.
- Nemendur tileinki sér skipulögð vinnubrögð við ritgerðarsmíð og geti byggt upp texta í röklegu samhengi.
- Nemendur geti tjáð hugmyndir sínar og skoðanir og fært rök fyrir þeim á skipulagðan og læsilegan hátt.
- Lögð er áhersla á góðan og fjölbreyttan orðaforða við ritun.
- Nemendur tileinki sér skipulögð vinnubrögð við ritgerðarsmíð. Geti dregið saman efni, endursagt og fellt inn í eigin texta.

Helsta námsefni: Finnbjörg, Kveikjur og efni frá kennara.

Heimavinna: Ritunarverkefni og undirbúningur vegna þeirra.

Námsmat: Unnið er út frá hæfniviðmiðum Aðalnámskrár fyrir íslensku. Námið fer fram í lotum og eru þau viðmið sem unnið er með í hverri lotu metin jafn óðum. Námsmat tekur mið af viðfangsefnum hverju sinni, má t.d. nefna kannanir, ritunarverkefni, hópverkefni, sjálfsmat og framsögn og tjáning. Í lok annar er annarpróf þar sem reynir á færni nemenda í þeim

þáttum sem unnið hefur verið að á önninni. Nemendur fá leiðbeiningar og umsögn um frammistöðu sína jafnt og þétt og lokanámsmat að vori.

**Talað mál og hlustun:** Fléttast inn í vinnu í lotum annarinnar og námsmat. Nemendur eru hvattir til þess að tjá sig og færa málefnaleg rök fyrir skoðunum sínum og þegar það á við að standa skil á vinnu sinni með munnlegum skilum.

Fjallað er um framsögn og tjáningu þar sem markvisst er farið í gegnum þá þætti sem skipta máli við að flytja mál sitt skýrt og skilmerkilega fyrir aðra.

**Kennarar:** Fríða Pétursdóttir og Ragnar Logi Búason.

### Stærðfræði (5)

**Helstu áhersluatriði:** Tölur og talnareikningur, rúmfræði, almenn brot, tugabrot og prósentur, tölfræði og algebra og jöfnur.

**Helsta námsefni:** Skali 1A, Skali 1B og ýtarefni úr Almennri stærðfræði I og átta-tíu bókunum.

**Heimavinna:** Moodle heimanámspakki vikulega og auk þess einstaka sinnum heimanám úr því efni sem farið er yfir þá stundina.

**Námsmat:** Unnið er út frá hæfniviðmiðum Aðalnámskrár fyrir stærðfræði. Námið fer fram í lotum og eru þau viðmið sem unnið er með í hverri lotu metin jafn óðum. Námsmat tekur mið af viðfangsefnum hverju sinni. Í lok annar er annarpróf þar sem reynir á færni nemenda í þeim þáttum sem unnið hefur verið að á önninni.

Hæfniviðmið, kaflapróf og könnun í lok hvorrar annar.

**Kennari:** Sveinn Leó Bogason.

### Enska (3)

**Helstu áhersluatriði:** Að auka markvisst orðaforða nemenda og efla lesskilning þeirra. Að þjálfar nemendur í að hlusta og skrifa á ensku og örva þá í að tala tungumálið. Bætt er við og byggt ofan á þá málfræðikunnáttu sem fyri er. Auk þess kynnast nemendur enskumælandi löndum og þeirra menningu.

**Helstu áhersluatriði í hlustun:**

- Að nemendur geti skilið talað mál um efni er varðar hann sjálfan, áhugamál hans og daglegt líf þegar talað er skýrt og áheyrilega
- Að nemendur geti skilið í meginatriðum samtöl og viðtöl um efni tengt daglegu lífi
- Að nemendur geti fylgt þræði í aðgengilegu fjölmiðlaefni og í kvikmyndum sem höfðar til hans og getur sagt frá eða unnið úr því á annan hátt

**Helstu áhersluatriði í lesskilning:**

- Að nemendur geti skilið megininntak í aðgengilegum frásögnum dagblaða, tímarita og netmiðla og brugðist við og fjallað um efni þeirra
- Að nemendur geti fundið lykilupplýsingar í texta
- Að nemendur geti lesið sér til gagns og gamans auðlesnar bækur og tímarit ætluð ungu fólki

**Helstu áhersluatriði í ritun:**

- Að nemendur geti skrifað samfelldan texta um efni sem hann þekkir
- Að nemendur geti beitt grunnreglum málfræði og stafsetningar nokkuð rétt
- Að nemendur geti sýnt fram á allgöð tök á daglegum orðaforða og orðaforða sem unnið hefur verið með
- Að nemendur geti samið texta þar sem ímyndunaraflíð fær að njóta sín.

**Helstu áherslu atriði í töluðu máli:**

- Að nemendur geti sýnt fram á að hann er nokkuð vel samræðuhæfur um efni sem hann þekkir vel
- Að nemendur geti beitt máli, framburði, áherslum og hrynjandi af nokkru öryggi
- Að nemendur geti skilið og notað algengustu orðasambönd daglegs máls
- Að nemendur geti notað málið sem samskiptamiðil í kennslustundum
- Að nemendur geti undirbúið, tekið og veitt viðtal.
- Að nemendur geti flutt einfalda, undirbúna kynningu náminu
- Að nemendur geti flutt tilbúið eða frumsamið efni, t.d. stutt atriði eða sögu, einn eða í félagi við aðra.

**Helsta námsefni:** Verkefni frá kennara, bækurnar *The Canterville Ghost* og *Death of Karen Silkwood*. Horft er á eina kvikmynd á önn og verkefni unnin úr henni.

**Heimavinna:** Ef verkefni eru ekki unnin í skólanum eiga þau að vera kláruð heima.

**Námsmat:** Símat. Jafningjamat og sjálfsmat. Lestur og ritun, hlustun og talmál eru metin. Vinna nemenda í kennslustundum er metin. Kannanir eru hluti námsmats auk prófs í lok anna.

**Kennari:** Karen Jóhannsdóttir.

### Danska (3)

*Dönskunám í grunnskólum hefur því hlutverki að gegna að veita okkur aðgang að norrænu málsamfélagi og innsýn í norræna menningu.*

#### Helstu áhersluatriði:

- Auka markvist við orðaforða nemanda.
- Nemendur geti skilið og myndað flóknari setningar.
- Nemendur geti sagt frá sjálfum sér, persónulegum högum, áhugamálum og nánasta umhverfi á einfaldan hátt.
- Lagður inn grunnur í málfræði.
- Getur skilið meginþráðinn í stuttum og einföldum frásögnum úr tímaritum, dagblöðum og netmiðlum.
- Getur samið stuttan einfaldan texta með stuðningi mynda, hluta, tónlistar og úr daglegu lífi.

**Helsta námsefni:** Tak lesbók og vinnubækur. Smil lesbók og vinnubækur. Þáttaröð um Mille (10 þættir). Efnistöð grunnnámsefnis fellur vel að skólasýn s.s heilbrigðan lífsstíl. Walk the talk efnið yfirfært á dönsku. Sammorræn verkefni og online fundir.

**Námsmat:** Notast er við leiðsagnarmat, greinandi mat og stöðumat þar sem einkunn er birt með hæfnieinkunn. Gerð er námslota/námslotur þar sem gengið er út frá hæfniviðmiðum Aðalnámskrár grunnskóla. Um er að ræða fjölbreytilegt námsmat þar sem metið verður út frá margbreytilegri hæfni og verða verkefni í takt við það. Greinandi mat er fyrst og fremst til að greina sértækan námsvanda. Leiðsagnamat er til að fylgjast með og sjá stöðu nemenda meðan á námi stendur þ.e. það ferli að afla upplýsinga um hvar nemandi er staddur í námi sínu og túlka þær. Leitast verður við að vera með fjölbreytt námsmat. Nemendur fá tækifæri til að vera með sjálfsmat og jafningjamat. Heimavinna nemenda og iðjusemi í kennslustundum er metin, munnlegt próf, stuttar kannanir ásamt annaprófum.

**Kennari:** Anna Guðrún Jóhannesdóttir

### Samfélagsfræði (3)

**Helstu áhersluatriði:**

- Nemendur þekki til sögu Íslands og valda þætti heimssögunnar tímabilið 1750-1900.
- Nemendur kynnist sjálfstæðisbaráttu Íslendinga og Jóni Sigurðssyni.
- Nemendur læri um bauganet jarðar, innri og ytri öfl jarðarinnar, veðurfar, eyðimerkur og heimshöfin auk áhrifa loftslagsbreytinga á jörðinni.

**Helsta námsefni:** *Um víða veröld: jörðin. Jón Sigurðsson og hugmyndir 19. aldar. Árið 1918. Lýðræði og tækni: Saga 19. aldar.* Myndbönd og ítarefni á bókasafni, veraldarvefurinn.

**Leiðir að markmiðum/kennsluaðferðir:** Umræður, hópvinna, verkefnavinna.

**Heimavinna:** Lestur námsbóka, unnin verkefni.

**Námsmat:** Öll vinna er metin m.t.t. hæfniviðmiða og lykilhæfni aðalnámskrár. Við matið er horft til vinnu við verkefnabækur, einstaklings- og hópa- og samvinnuverkefni, próf úr helstu hugtökum námsefnis og við umræður í kennslustundum. Allt námsmat er skráð í Mentor og nemendur fylgjast með og kvitta fyrir stöðu verkefna þar.

**Kennari:** Ragnar Logi Búason.

### Náttúrufræði (3)

**Helstu umfjöllunarefni:** Lífið á jörðinni, bakteríur og veirur, þörungar og frumdyr, sveppir og fléttur, plöntur, dýr s.s. svampdýr, lindýr, liðdýr, fiskar og fuglar. Atferlisfræði, meðfætt og lært atferli dýra. Upprifjun á massa, rúmmáli og eðlismassa. Vísindaleg aðferð, skýrslugerð. Vettvagsferðir um nágrennið, grenndarfræði.

**Námsefni:** *Lifheimurinn, Orka, veraldarvefurinn, myndbönd og efni frá kennara.*

**Heimavinna:** Heimavinna felst að mestu í lestri í námsbók til að undirbúa næstu kennslustund og ljúka við verkefni/sjálfspróf sem ekki náðist að ljúka við í skólanum.

**Leiðir að markmiðum/kennsluaðferðir:** Með samræðum, hópa- og paravinnu er lögð er áhersla á að þjálfar lykilhæfni nemenda með áherslu á samvinnu, sjálfstæði og gagnrýna hugsun auk færni í að afla sér fróðleiks og nýta sér upplýsingar af vef og úr bókum.

**Námsmat:** Öll vinna er metin m.t.t. hæfniviðmiða og lykilhæfni aðalnámskrár. Við matið er horft til vinnu við verkefnabækur, einstaklings- og hópa- og samvinnuverkefni, próf úr helstu hugtökum námsefnis og við umræður í kennslustundum. Allt námsmat er skráð í K3 og nemendur fylgjast með og kvitta fyrir stöðu verkefna í K3.

**Kennari:** Sigríður Víkiingsdóttir.

### Jákvæður agi - Lífsleikni (1)

**Helstu áhersluatriði:** Unnið verður með uppeldisstefnuna Jákvæður agi.

Lögð áhersla á umræður um samskipti og jafnrétti haft að leiðarljósi í samskiptum. Fjallað er um mál sem upp kunna að koma hverju sinni og snerta líðan og velferð nemenda. Þetta er m.a. gert í formi bekkjarfunda þar sem nemendur eru þjálfaðir í því að koma hugsunum, tilfinningum og skoðunum á framfæri. Umferðarfræðsla er jafnframt hluti af lífsleikni.

**Helsta námsefni:** Verkfæri Jákvæðs aga. Samgöngustofa.is – fræðsla. Umferðarvefurinn Umferd.is/kennarar. Umferd.is/nemendur.

**Leiðir að markmiðum/kennsluaðferðir:** Bekkjarfundir, umræður, samvinnunám, hópastarf.

**Námsmat:** Umsagnir í foreldraviðtölum um samskipti, virkni í verkefnum og umræðum. Sjálfsmat nemenda um eigin verkefni og samskipti.

**Kennarar:** Umsjónarkennarar.

## Myndmennt

**Helstu áhersluatriði:** Áhersla er lögð á að þjálfa huga og hönd til skapandi starfs. Nemandinn geti skrásett og sett fram hugmyndir á fjölbreyttan hátt, myndrænt og/eða skriflega, byggt eigin listsköpun á hugmyndavinnu tengdri ímyndun, rannsóknum og reynslu. Hann efli eftirtekt á því sem fyrir augu ber og yfirfæri í eigin sköpun og eflir persónulega framsetningu viðfangsefna. Hann hagnýti þá sérhæfðu leikni og þekkingu sem hann hefur öðlast á skapandi hátt og sýnir frumkvæði. Hann nýti sér í eigin sköpun grunnþætti myndlistar, einfaldar útfærslur sem byggja á færni í meðferð lita- og formfræði, myndbyggingu og áferðarmótun. Hann öðlist nokkra hæfni í að beita þeirri tækni sem námsgreinin býr yfir á sjálfstæðan hátt, velur á milli mismunandi aðferða og miðla við útfærslu eigin hugmynda. Gerir tilraunir, tekur áhættu og lærir af eigin mistökum. Sýnir og útskýrir vinnuferli sem felur í sér þróun frá hugmynd að lokaverki. Gerir grein fyrir ýmsum stefnum myndlista í gegnum tíðina. Geri á einfaldan hátt grein fyrir margvíslegum tilgangi myndlista og hönnunar í samfélaginu. Hann vinnur sjálfstætt að viðfangsefninu og tekur jafnframt þátt í ýmsum samstarfsverkefnum. Áhersla er lögð á að nemandinn verði meðvitaður og ábyrgur í eigin framgöngu og geri grein fyrir hugmyndum sínum um vönduð vinnubrögð. Hann stundi nám sitt og gangi um umhverfi sitt á ábyrgan hátt, þjálfi sig og agi fyrir frekara nám. Áhersla er lögð á jákvæð samskipti, góða umgengni um efni og áhöld og frágang á vinnusvæði.

**Námsefni og kennslugögn:** Stuðst er við námsefni og kennslugögn frá kennara, m.a. um hugmyndavinnu, úrvinnslu hugmynda, skapandi starf. Leitað er fanga í ýmsum bókum og vefsíðum um myndlist og kennslufræði myndlista, listastefnur, listamenn og tæknilega vinnu. Ennfremur leitað fanga á vef Námsgagnastofnunar þar sem það á við. Námsefni og kennslugögn eru sem mest aðlöguð að nemendum og gerðar kröfur í samræmi við aðstæður hverju sinni. Reynt er að taka mið af áhugasviði hvers og eins til að gera námið áhugaverðara.

**Helstu kennsluáðferðir:** Stuttir fyrirlestrar og kynning við upphaf nýrra verkefna, sýnikennsla, einstaklingsleiðsögn, verklegar æfingar, samvinna og umræður.

### Námsmat:

Leiðsagnarmat. Námsmatið er unnið út frá hæfniviðmiðum aðalnámskrár sem greind hafa verið í námsviðmið í þeim tilgangi að gera þau skilvirkari við mat tiltekinnar hæfni hjá nemendum. Einnig er að einhverju leyti tekið mið af afrakstri vinnunnar og sjálfsmati nemenda. Námsmat fer fram reglulega á tímabilinu. Hæfniviðmið aðalnámskrár eru grunnur að námsmati og þau viðmið koma fram á hæfnikorti nemandans í Mentor. Þau hæfniviðmið eru um leið hæfniviðmið skólans.

**Kennari:** Aðalbjörg María Ólafsdóttir

## Hönnun og smíði

### Hæfniviðmið

- Valið aðferðir, efni og verkfæri við hæfi og sýnt rétta og ábyrga notkun verkfæra,
- Sagt frá mikilvægi verkþekkingar í nútíma samfélagi,
- Útskýrt hugmyndir sínar fríhendis- og með grunnteikningu,
- Unnið sjálfstætt eftir verkáætlun og vinnuteikningu, útbúið efnislista og reiknað kostnað,
- Framkvæmt flóknari samsetningar, s.s. samlímingu, töppun og skrófun,
- Gert grein fyrir áhrifum nýsköpunar á umhverfi sitt og samfélag.
- Greint vistvæn efni frá óvistvænum og haft sjálfbærni að leiðarljósi við vinnu sína, s.s. við efnisval,

- Gert sér grein fyrir hvort og hvernig hægt er að endurnýja ýmsa hluti til að lengja líftíma þeirra,
- Beitt viðeigandi vinnustellingum og notað réttan hlífðarbúnað og fjallað um vinnuvernd og hvers vegna reglur þar að lútandi eru settar.

#### Kennsluhættir

Innlögn, sýnikennsla, verklegar æfingar.

#### Námsmat

Byggt er á leiðsagnarmati þar sem skoðað er hver nemandinn er staddur í námi sínu, hvert hann stefnir og þá hvernig best sé að standa að þeim aðgerðum út frá þeim hæfniviðmiðum sem eru lögð til grundvallar. Þetta stuðlar að sjálfstæði nemenda og eflir skilning á markmiðum.

**Kennari:** Ólafur Viðar Hauksson.

### Heimilisfræði

**Markmið:** Fáí þjálfun í að matreiða fjölbreyttan og góðan hversdagsmat.

- Læri helstu matreiðsluaðferðir (suða, steiking, bakstur).
- Hafi tileinkað sér góða vinnutækni og rétta líkamsbeitingu.
- Þjálfist í að vinna sjálfstætt eftir uppskriftum
- Þjálfist í að vinna með öðrum og sýna öðrum virðingu og tillitsemi.
- Verði læs á umbúðamerkingar matvæla og viti að aukefni eru stundum notuð í matvæli.
- Rifji upp geymsluáðferðir matvæla og kunni skil á skaðsemi mismunandi örvera.
- Þekki helstu næringarefni fæðunnar og hlutverk þeirra og sjúkdóma sem stafa af röngu mataræði
- Kynnist jurtafæði kostum og göllum
- Kynnist mataræði sem tengjast trúarbrögðum
- Kunni skil á allri flokkun sem kemur frá eldhúsi og sé meðvitaður um umhverfisvernd.

**Skipulag kennslu/kennsluaðferðir:** Útlistunarkennsla, sýnikennsla, hópavinna, samvinnunám, einstaklingskennsla. Nemendur vinna 2-3 saman í hóp og þurfa að vinna sameiginlega að ákveðnum verkefnum þar sem allir eiga að taka virkan þátt. Leitast er við að hafa hráefnisval og verkefni fjölbreytt. Útikennsla fer fram í maí og september og er þá aðallega notast við útigrill.

**Námsefni/ kennslugögn:** Matur og menning-unnin verkefni upp úr bókinni, ljósrituð gögn frá kennara, hefti og uppskriftir, matreiðslubækur og blöð..

**Námsmat:** Unnið er út frá hæfniviðmiðum Aðalnámskrá í heimilisfræði og sameiginlegum hæfniviðmiðum fyrir list og verkgreinar og metið samkvæmt því. Leiðsagnarmat fer fram alla önnina sem miðar að því að fylgjast með og sjá stöðuna á meðan á námi stendur.

Frammistöðumat (verklegt próf) til að kanna hæfni nemenda við að beita þekkingu sinni og leikni. Einnig er vinnubókin metin..

**Kennari:** Þóra Gígja Jóhannsdóttir

### Textílmennt

**Helstu áhersluatriði:** Nemendur vinni eftir leiðbeiningum frá kennara. Þeir fá innsýn í efni og áhöld sem notuð eru í greininni. Þeir tileinki sér hugtök og undirstöðu atriði textílgreinarinnar. Áhersla er lögð á að nemendur tileinki sér sjálfstæði í vinnubrögðum. Verkefnin byggjast á sjálfstæðri vinnu nemenda á grundvelli fyrra náms og áhersla er lögð á persónulegar útfærslur á verkefnum.

**Kennsluhættir:** Námið er miðað við að auka færni nemandans og efla hjá honum þekkingu og skilning á sem flestum þáttum greinarinnar. Tekið er mið af skólasýn Glerárskóla, hugur - hönd - heilbrigði þar sem m.a er lögð áhersla á að nemendur þjálfu verklega hæfni, geri

tilraunir og þróa hugmyndir sínar. Stuttur fyrirlestrar við upphaf verkefna, sýnikennsla, einstaklings leiðsögn, veklegar æfingar.

**Námsefni:** Tölva og internet, fagbækur af öllu tagi auk fjölbreyttra verkefna frá kennara. Uppskriftir, snið og verkefnablöð.

**Námsmat:** Námsmat byggir á markmiðum í skólanámskrá/Aðalnámskrá grunnskóla, þar sem lagt er mat á hvort nemandi hafi náð settum markmiðum auk annara þátta, og þau viðmið koma fram á hæfnikorti nemandans í Mentor.

Námsmat fer fram reglulega á tímabilinu og byggir það á vinnuferli, þ.e. vinnusemi, vandvirkni, frumkvæði, umgengni, og framkomu auk þess sem afrakstur vinnunnar er metinn.

**Kennari:** Soffía Margrét Hafþórsdóttir

## Skólaíþróttir

**Helstu áhersluatriði:** Fjölbreytt þjálfun sem nær til alhliða heilsuræktar, almenningsíþróttar og íþróttagreina sem gera þá sem mest sjálfstæða við eigin þjálfun. Þjálfar nemenda í að setja sér eigin markmið, skýra þjálfunaraðferðir og mæla eigin afkastagetu.

**Leiðir:** Fjölbreyttir íþróttatímar sem innihalda m.a. ýmsar þolæfingar, styrktaræfingar, liðleikaæfingar, boltaleiki sem og leiki. Ef nemendur geta ekki tekið þátt í íþróttum verða foreldrar/forráðamenn að senda tölvupóst á netfang íþróttakennara þar sem ástæður forfalla koma fram, annars er um fjarvist að ræða. Nemendum er skylt að koma með íþróttaföt og handklæði í hvern tíma og fara í sturtu að honum loknum.

**Námsgögn:** Stór og smá áhöld til íþróttaiðkunar.

**Námsmat:** Leiðsagnarmat sem miðar að því að fylgjast með og sjá stöðuna á meðan námi stendur og lokamat sem er mat á árangri náms og kennslu í lok námstíma, leikni- og afkastagetupróf. Nánari upplýsingar um námsframvindu má nálgast á Mentor undir námsframvinda/námsmarkmið. Námsmarkmiðin sem merkt er við á Mentor eru unnin uppúr hæfniviðmiðum úr Aðalnámskrá grunnskóla.

**Kennari:** Hrefna Dagbjartsdóttir, Kári Jóhannesson og Páll Viðar Gíslason.

## Skólasund

**Helstu áhersluatriði:** Fjölbreyttir sundtímar þar sem vatnið er notað til alhliða heilsuræktar og kynna aðferðir sundþjálfunar. Aukið vægi björgunar í vatni, troða marvaða, bjarga féлага upp á bakka og björgunarsund með féлага.

**Námsmat:** Leiðsagnarmat sem miðar að því að fylgjast með og sjá stöðuna á meðan námi stendur og lokamat sem er mat á árangri náms og kennslu í lok námstíma, leikni- og afkastagetupróf. Nánari upplýsingar um námsframvindu má nálgast á Mentor undir námsframvinda/námsmarkmið. Námsmarkmiðin sem merkt er við á Mentor eru unnin uppúr hæfniviðmiðum úr Aðalnámskrá grunnskóla.

**Kennari:** Páll Viðar Gíslason.





